



UNIVERSITÄTS-
BIBLIOTHEK
PADERBORN

Universitätsbibliothek Paderborn

Stimvlvs Compvnctionis, Et Soliloqvia

Juan <de Jesús María>

Coloniae, 1611

De contemptu mundi. Cap. 6.

urn:nbn:de:hbz:466:1-45624

rapaces, & querunt perdere dilectam animam meam. Profiteor me nolle alium Regem nisi te, qui dulcissime charitatis legibus Regis fidelissimos seruos tuos.

De contemptu mundi.

CAP. VI.

Beatus vir, quem tu erudieris Domine, & de lege tua docueris eum. Huic certe mundus crucifixus est, & ipse mundo, quem grandi sensu tuo contemnit. Cuius contemptus causa est, ut existimo, quia iustitiae tuae, domine, sunt rectae & laetificantes corda, & preceptum tuum lucidum illuminans oculos. Illumina ergo me, o lux formosissima, cuius comparatione non lucent astra matutina, ut videam mundi vanitatem, & figuram citiore transuitem, & contemnam illam. Utinam, o Veritas fortissima, quae vincis omnia, bene caperem sensum tuum, ut despicerem mendacia filiorum Adae, qui a te auditum auertunt! Utinam penetraret cor meum vox dicentis: Omnis caro foeni, & cecidit flos, quia ventus Domini insufflavit in eo! Hæc est sapientia sapientum, & fortitudo fortium, Domine, et

Christi

Christiano sensu tuo , & altissima fide
tua, spernant visibilia bona honorum, di-
uitiarum, & delitarum, propter meliorem,
& manentem substantiam, quæ legitimis
certatoribus conseruatur in cœlis. O sub-
stantia domus Dei, quam contemptibilia
sunt patrimonia mortalium, comparata
cum pretio tuo ! Profectò sapienter fecé-
runt pauci illi amatores tui, qui noluerūt
habere hæreditatem in terra morienti-
um, ut hæreditale possiderent te ! Et ego
desiderans esse ē numero paucorum, de-
spicio omnia desiderabilia mundi, ita ut
si honores, voluptates, & diuitiae affluant,
nolim cor apponere. Transibo ergo, qua-
si peregrinus futuram ciuitatem inqui-
rens, & destitutus solatio in præsenti sœ-
culo, festinabo ad dulcissimam patriam
meam. Imitabor fortes pugnatores, qui
noluerunt suscipere apparentem mundi
redemptionem, ut meliorem inuenirent
resurrectionem, currentes ad refrigerium
suum. Fac, O sapientia Dei Altissimi, ut
contemptus mundi imprimatur visceri-
bus meis. Fac, ut ab omnibus fructus ter-
re, ut ascendam in palmam ; & colligatis
melle dulciores fructus eius.

D